

ՀՀ Սյունիքի մարզի Արծվանիկի բազալտների հանքավայրի «Արևելյան» տեղամասում «Սիմոնա» ՍՊԸ կողմից նախատեսված օգտակար հանածոների արդյունահանման նպատակով երկրաբանական ուսումնասիրության շրջակա միջավայրի վրա ազդեցության նախնական գնահատման հայտի վերաբերյալ 1-ին հանրային քննարկման

Ա Ր Զ Ա Ն Ա Գ Ր ՈՒ Թ Յ ՈՒ Ն

28.09.2020թ.

ք.Կապան

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի /21.06.2014թ. ՀՕ-110-Ն/ և ՀՀ կառավարության 19.11.2014թ. N 1325-Ն որոշմամբ սահմանված կարգով՝ որպես ազդակիր համայնք, Կապան համայնքի Արծվանիկ գյուղի վարչական ղեկավարի նստավայրում 2020 թվականի սեպտեմբերի 23-ին, ժամը 12:00-ին տեղի ունեցավ ՀՀ Սյունիքի մարզի Արծվանիկի բազալտների հանքավայրի «Արևելյան» տեղամասում «Սիմոնա» ՍՊԸ կողմից նախատեսված օգտակար հանածոների արդյունահանման նպատակով երկրաբանական ուսումնասիրության շրջակա միջավայրի վրա ազդեցության նախնական գնահատման հայտի վերաբերյալ 1-ին հանրային քննարկումը:

Քննարկմանը ներկա էին «Սիմոնա» ՍՊԸ ներկայացուցիչ՝ Արսեն Փիրյանը, «Ընդերք» ՍՊԸ տնօրեն՝ Ս. Գևորգյանը, Կապանի համայնքապետարանի աշխատակիցներ, ինչպես նաև այլ քաղաքացիներ:

Հանրային քննարկման մասնակիցների անհատական կազմը կցվում է սույն արձանագրությանը:

Բացման խոսքով հանդես եկավ Կապան համայնքի ղեկավարի տեղակալ՝ Դ. Հայրապետյանը: Նա ողջունեց քննարկման մասնակիցներին, նշեց, որ հանրային քննարկումը նախատեսվել է իրականացնել Արծվանիկ գյուղում, որպեսզի Արծվանիկ բնակիչները հնարավորություն ունենան ցանկության դեպքում մասնակցել, հայտնել իրենց կարծիքները և տալ հարցադրումներ: Հայրապետյանը ներկայացրեց հանրային քննարկման վարողին՝ Կապանի համայնքապետարանի աշխատակազմի գյուղատնտեսության և հողօգտագործման բաժնի պետ՝ Ա. Համբարձումյանին: Վերջինս ողջունեց ներկաներին, ընթերցեց օրակարգը: Որպես ծանոթություն հիշեցրեց, որ հանրային քննարկման վերաբերյալ կարելի էր ծանոթանալ «Հայաստանի Հանրապետություն» օրաթերթի 2020 թվականի սեպտեմբերի 10-ի թիվ 151 համարում, ինչպես նաև Կապանի

համայնքապետարանի պաշտոնական կայքի հայտարարությունների բաժնում (www.kapan.am):

Ձեկույցի համար խոսքը փոխանցվեց «Ընդերք» ՍՊԸ տնօրեն՝ Ս. Գևորգյանին: Նա նշեց, որ «Ընդերք» ՍՊ ընկերությունը մասնագիտացված ձեռնարկություն է և զբաղվում է երկրաբանահետախուզական ու հանաքարդյունահանման նախագծերի կազմման աշխատանքներով: «Սիմոնա» ՍՊԸ հետ պայմանագրային հիմունքներով կատարում ենք երկրաբանահետախուզական աշխատանքների նախագծում, իսկ Ձեր թույլտվությունը ստանալուց հետո՝ կկատարվեն արդեն երկրաբանահետախուզական աշխատանքներ: Այս գործունեությունը անցնում է հանրային լուսմների 2 փուլով: Այսօրվա հանրային քննարկումը կոչվում է 1-ին, նախնական համաձայնության փուլ: Համաձայնությունը ստանալուց հետո կկազմվի մանրամասն աշխատանքային ծրագիր՝ շրջակա միջավայրի վրա ազդեցության նախնական գնահատման հայտ, որն էլ համաձայնության հետ միասին կուղարկվի շրջակա միջավայրի նախարարություն փորձաքննության նպատակով: Հայտը կանցնի 15 մարմիններով և 3-4 ամիս անց՝ համապատասխան դիտողություններով, ուղղումներով, շրջակա միջավայրի նախարարության ներկայացուցիչը արդեն իսկ լրամշակված հայտը կբերի քննարկման: Այսօրվա նախնական տվյալներով՝ ուսումնասիրությունը կկատարվի 5 հատարածքի վրա, որը գտնվում է Վարդավանք բնակավայրի վերևի հատվածում, որտեղ կան մերկացումներ, բազալտի բացվածքներ: Կհորատվի 3, 4 հորատանցք և կթույլատրվի 150-300 մ³ փորձնական հանույթ: Աշխատանքները կատարվելու են գյուղից 1,5 կմ հեռավորության վրա, իրականացվելու է խոնավ հորատում: Փորձնական հանույթը կտևի 2-3 ամիս, իսկ փաստաթղթային ձևակերպումները՝ 6 ամիս: Ուսումնասիրության փուլում շրջակա միջավայրի վրա ազդեցությունը կարելի է ասել զրոյական է: Տարածքները չեն խախտվի, ճանապարհներ չեն կառուցվի: Մշակվելիք նախնական գնահատման հայտում կտրվեն բոլոր սպասվելիք ազդեցությունները՝ հաշվարկներով, թե ինչքան արտանետումներ կլինեն, ինչքան փոշի կբարձրանա այդ աշխատանքների արդյունքում և կտրվեն դրանց մեղմացմանն ուղղված միջոցառումները: Այս փուլում կարելի է ասել, որ ազդեցությունը կլինի շատ ցածր: Երկրորդ լուսմների ժամանակ արդեն ամբողջ մշակված փաթեթը շրջակա միջավայրի նախարարության փորձագետների հետ կբերվի և կներկայացվի հանրային քննարկման:

Հարց (Անուշավան Հարությունյան-Արծվանիկ բնակավայրի վարչական ղեկավար)

Վարդավանքից ի՞նչքան է բարձր տարածքը, ո՞րտեղ է այն գտնվում:

Պատասխան (Սահարոն Գևորգյան)

Գտնվում է շրաքի հանքից 800մ ներքև: Չենք եղել այդ տարածքում, միայն համաձայնությունը ստանալուց հետո մասնագետները կմտնեն տարածք, կկատարվի գեոդեզական հանույթ և կուսումնասիրվի երկրաբանների կողմից:

Հարց (Անուշավան Հարությունյան)

Այնտեղ կան նաև վարելահողեր, այնտեղից քար հանելու եք:

Պատասխան (Սահարոն Գևորգյան)

Հետագայում թույլտվությունը ստանալուց հետո կկազմվի շահագործման նախագիծ, կլինի 4 քննարում, կտևի մոտ 2-3 տարի: Մինչ քար հանելը դեռ հինգ անգամ հանդիպելու ենք Ձեզ և քննարկենք:

Լրացում (Դավիթ Հայրապետյան)

Այս փուլում նախնական ուսումնասիրություն է իրականացվելու, շահագործման մասին դեռ շուտ է խոսելը:

Լրացում (Սահարոն Գևորգյան)

Հնարավոր է, որ ուսումնասիրության արդյունքում ոչինչ էլ չհայտնաբերվի և շահագործում էլ չարվի: Եթե ունեք բողոքներ, առաջարկներ՝ կարող եք ասել, հաշվի կառնվեն:

Հարց (Արկաղյա Օհանյան-Արծվանիկի բնակիչ)

Քարերի պայթեցման աշխատանքներ կատարվելու են:

Պատասխան (Սահարոն Գևորգյան)

Ոչ, պայթեցման աշխատանքներ չեն արվելու, քանզի արդյունքում քարն է փչանալու: Ավելի շատ աշխատում են էքսկավատորներով, նախկին պայթեցումները չկան:

Ամփոփում (Ավետիք Համբարձումյան)

Շնորհակալություն բոլորին մասնակցության համար: Հանրային քննարկումն ավարտվեց:

Կապան համայնքի ղեկավար

«Սիմոնա» ՍՊԸ տնօրեն

Հանրային քննարկման վարող՝
Կապանի համայնքապետարանի գյուղ.
և հողօգտագործման բաժնի պետ

Արձանագրող՝ Կապան համայնքի
ղեկավարի տեղակալ

Գևորգ Փարսյան

Անի Սիմոնյան

Ավետիք Համբարձումյան

Դավիթ Հայրապետյան



Handwritten signatures in blue ink, including the signature of Davit Hayrapetyan.



Handwritten signatures in blue ink, including the signature of Ani Simonyan.